

第五七七册

理學彙編

經籍典

論語部

(卷)
三五—三六

古今圖書集成

中華書局影印

欽定古今圖書集成理學彙編經籍典

第二百六十五卷目錄

論語部彙考一

周禮一則

漢文帝一則 武帝一則 昭帝始元一則 宣帝地節一則 元帝初元一則 成帝建始一則 平帝元始一則

後漢光武帝建武一則 和帝永元一則 靈帝少帝正始一則

魏武帝太康一則 元帝太興一則 恭帝元熙一則

宋明帝泰始一則

陳世祖天嘉一則 宣帝大建二則

唐高宗儀鳳一則 元宗開元一則 肅宗寶應一則 代宗大曆一則 文宗太和一則 宣宗大和

宋太祖開寶一則 真宗咸平二則 大中祥符一則 乾興一則 仁宗天聖一則 元豐

祐一則 至和二年 神宗熙寧一則 高宗建炎一則 紹興五則 孝宗淳熙一則

金熙宗皇統一則 廢帝天德一則 世宗大定一則 文宗天曆一則

元世祖至元二則 懷宗崇禎二則

明世宗嘉靖一則

論語部彙考二

魏何晏論語集解 進序

唐陸德明論語釋文 自序

韓愈筆解 明金玉節序

宋尹焞論語解 進序 又序 題後 韓元吉

楊時論語解 自序

丘子野論語纂訓 朱子序

張枋論語解 自序

朱熹論語要義 自序

朱熹論語訓蒙口義 自序

蔡節論語集說 進序 題解序

趙變論語說 卷了 新跋

十圖論語大意 明都穆跋

經籍典第二百六十五卷

論語部彙考一

周

周孔子門人輯孔子之言為論語二十一篇

按史記周本紀不載 按孔子世家孔子名丘字仲尼其先宋人父叔梁紇母顏氏以魯襄公二十二年

庚戌之歲十一月庚子生孔子于魯昌平鄉陬邑弟子蓋三千焉身通六藝者七十二人

按漢書藝文志論語者孔子應答弟子時人及弟子相與言而接聞於夫子之語也當時弟子各有所記

夫子既卒門人相與輯而論纂故謂之論語 古二十

二篇 出孔子壁中書 二十二篇 魯二十篇

漢

文帝 年置論語博士

按史記漢書文帝本紀皆不載 按趙岐孟子題辭

孝文皇帝欲廣遊學之路論語孝經孟子爾雅皆置

博士後罷傳記博士獨立五經而已

武帝 年得古文論語于孔子舊宅壁中

按史記漢書武帝本紀皆不載 按漢書藝文志漢

文尚書者出孔子壁中武帝末魯共王壞孔子宅

以廣其宮而得古文書及禮記論語孝經凡數十

篇皆古字也其王往在莊宅間鼓琴瑟鐘磬之音於

是懼乃止不壞

按師古曰家語云孔騰半于襄襄泰法峻峻

書孝經論語于夫子舊堂壁中而漢書藝文志云

孔鮒所藏二說不同未知孰是

按魯恭王傳魯恭王餘孝景前二年立為淮陽王三

年徙王魯王好治宮室壞孔子舊宅以廣其宮聞鐘

磬琴瑟之聲遂不敢復壞于其壁中得古文經傳

按晉書衛恆傳漢武時壞孔子宅得古文尚書春秋

論語孝經時人不復知有古文謂之科斗書漢世祗

藏希得見之

昭帝始元五年六月詔以論語未明令舉賢良文學

高第

按漢書昭帝本紀始元五年六月詔曰朕以眇身獲

保宗廟戰戰栗栗夙興夜寐修古帝王之事通保傳

傳孝經論語尚書未云有明其令三輔太常舉賢良

各二人郡國文學高第各一人

宣帝地節三年選疏廣授皇太子論語

按漢書宣帝本紀不載 按疏廣傳地節三年選丙

吉為太傅廣為少傅數月吉遷御史大夫廣徙為太

傅在位五歲皇太子年十二通論語孝經

元帝初元 年詔令張禹授太子論語

按漢書元帝本紀不載 按張禹傳初元中立皇太

子而博士鄭寬中以尚書授太子薦言禹善論語詔令禹授太子論語由是遷光祿大夫
成帝建始 年鄭寬中張禹朝夕入說論語于金華殿

按漢書成帝本紀不載 按冊府元龜成帝時班伯少受詩于師丹大將軍王鳳薦伯宜勸學召見宴昵殷容貌甚麗誦說有法拜為中常侍帝方鄉學鄭寬中張禹朝夕入說尚書論語于金華殿詔伯受焉既通大義又講異同于許商遷奉車都尉數年金華之業績出按此條一作成帝初改附建始內

平帝元始五年徵天下以論語教授者駕一封轡傳遺詣京師

按漢書平帝本紀元始五年春正月徵天下通知逸經古記天文歷算鍾律小學史篇方術本草及以五經論語孝經爾雅教授者在所為駕一封轡傳遺詣京師至者數千人

後漢

光武帝建武 年以包咸入授皇太子論語

按後漢書光武帝本紀不載 按儒林包咸傳建武中入授皇太子論語又為其章句拜議大夫

和帝末元十四年徐防請論語不宜射策

按後漢書和帝本紀不載 按徐防傳末元十四年拜司空防上疏曰臣以為博士及甲乙策試宜從其家章句開五十難以試之解釋多者為上第引文明者為高說若不依先師文有相伐皆正以為非五經各取上第六人論語不宜射策雖所失或久差可矯革詔書下公卿皆從防言

靈帝熹平四年刻石經論語立于太學門外
按後漢書靈帝本紀熹平四年春三月詔諸儒正五經文字刻石立于太學門外

按洛陽記太學在洛城南開陽門外講堂長十丈廣一丈堂有石經四部本碑凡四十六枚西行尚書周易公羊傳十六碑存十二碑毀南行禮記十五碑悉崩壞東行論語三碑一碑毀禮記碑上有諫議大夫馬日碑議郎蔡邕名

魏

少帝正始二年三月帝講論語通使太常釋奠祀孔子

按三國志魏書少帝本紀不載 按宋書禮志魏齊王正始二年帝講論語通使太常釋奠以太牢祀孔子於辟雍以顏淵配

晉

武帝太康三年皇太子講論語通親釋奠祀孔子
按晉書武帝本紀不載 按宋書禮志晉武帝太康三年皇太子講論語通太子親釋奠以太牢祀孔子于辟雍以顏淵配

元帝太興三年皇太子講論語通親釋奠祀孔子
按晉書元帝本紀不載 按宋書禮志晉元帝太興三年皇太子講論語通太子親釋奠以太牢祀孔子以顏淵配

恭帝元熙二年劉超授帝論語

按晉書恭帝本紀不載 按劉超傳恭帝年八歲雖幽厄之中超猶授孝經論語

宋

明帝泰始 年續註論語二卷
按宋書明帝本紀帝少好讀書愛文義續衛瓘所註論語二卷行于世

陳

世祖天嘉元年令沈文阿于東宮講論語

按陳書世祖本紀不載 按儒林沈文阿傳世祖即位遷直道散騎常侍兼國子博士領羽林監仍令于東宮講孝經論語

宣帝太建五年勅周弘正侍東宮講論語

按陳書宣帝本紀不載 按周弘正傳太建五年授尚書右僕射祭酒中正如故尋勅侍東宮講論語孝經太子以弘正朝廷舊臣德望素重於是降情屈禮橫經請益有師資之益焉

太建十一年春皇太子幸太學詔新安王於辟雍發論語題

按陳書宣帝本紀不載 按文學徐伯陽傳太建十一年春皇太子幸太學詔新安王於辟雍發論語題仍命伯陽為辟雍頌其見嘉賞

唐

高宗儀鳳三年詔貢舉人論語任依常式

按唐書高宗本紀不載 按舊唐書禮儀志儀鳳三年五月詔自今已後道德經並為上經貢舉人皆須兼通其餘經及論語任依常式

元宗開元六年褚無量獻論語

按唐書元宗本紀不載 按儒學褚無量傳帝西還皇太子及四王未就學無量以孝經論語五通獻帝帝曰朕知之矣乃還郾常享郭謙光潘元祚等為太

子諸王侍讀

肅宗寶應二年楊綰上疏請以論語爲兼經

按唐書肅宗本紀不載 按選舉志寶應二年禮部侍郎綰上疏請所習經取大義聽通諸家之學每問經十條對策三道皆通爲上第吏部官之經義通八策通二爲中第與出身下第罷歸論語孝經孟子兼爲一經

代宗大曆八年歸崇敬請博士兼通論語

按唐書代宗本紀不載 按歸崇敬傳大曆八年崇敬建議曰近世明經不課其義先取帖經顧門廢業傳授義絕請以禮記左氏春秋爲大經周官儀禮毛詩爲中經尚書周易爲小經各置博士一員公羊穀梁春秋共準一中經通置博士一員博士兼通孝經論語依章疏講解德行純潔文詞雅正形容莊重可爲師表者委四品以上各舉所知在外給傳七十者安車蒲輪敦遣國子太學四門三館各立五經博士品秩生徒有差禮部考試法請罷帖經于所習經間大義二十而得十八論語孝經十得八爲通

文宗太和七年創立石經論語

按唐書文宗本紀不載 按會要太和七年十二月勅于國子監講論堂兩廊創立石九經并孝經論語爾雅共一百五十九卷字樣四十卷

宋

太祖開寶五年判監陳鄂等校論語釋文上之

按宋史太祖本紀不載 按玉海開寶五年判監陳鄂與姜融等四人校孝經論語爾雅釋文上之 眞宗咸平三年詔邢昺等校定論語義疏

按宋史眞宗本紀不載 按邢昺傳咸平二年始置翰林侍講學士以昺爲之受詔與杜鎬舒雅孫奭李纂清崔偓佺等校定周禮儀禮公羊穀梁春秋傳孝經論語爾雅義疏及成並加階勳

按玉海李至請命李沆杜鎬等校定周禮儀禮公羊穀梁傳疏及別纂孝經論語正義咸平三年三月癸巳命祭酒邢昺代領其事杜鎬舒雅李維孫奭李纂清王煥崔偓佺劉士元預其事論語取梁皇侃疏約而修之 按傳作二年玉海作三年蓋是年昺爲翰林侍講學士而校書閣在三年也

咸平四年九月邢昺等表上重校定論語

按宋史眞宗本紀不載 按玉海咸平四年九月翰林侍講學士邢昺等及直講崔偓佺表上重校定周禮儀禮公羊穀梁傳孝經論語爾雅七經義疏凡一百六十五卷賜宴國子監昺加一階餘遷秩 一本云 又云 十月命摹印頒行於是九經義疏具矣 又云 邢昺等撰論語正義咸平中頗其書于章句訓詁名器事物之際詳矣

大中祥符五年作崇儒術爲君難爲臣不易二論刻石國學

按宋史眞宗本紀大中祥符五年十月辛酉作崇儒術論刻石國學 按陳彭年傳眞宗謂之曰儒術汗隆其應實大國家崇替何莫由斯故秦衰則經籍道息漢盛則學校興行其後命歷迭改而風教一揆有唐文物最盛朱梁而下王風浸微太祖太宗不變敝俗崇尚斯文朕獲紹先業謹導聖訓禮樂交舉儒術化成實二后垂裕之所致也爲君之難由乎聽受臣之不易在乎忠直其君以寬大接下臣以誠明奉上

君臣之心皆歸于正直道而行至公相遇此天下之達理先王之成憲曾指諸掌孰謂難哉彭年曰陛下聖言精詣足使天下知訓伏願躬履磨思著之篇翰眞宗爲製崇儒術爲君難爲臣不易二論示之彭年復請示輔臣刻石國子監

乾興元年十一月辛巳命侍講孫奭馮元講論語

按宋史眞宗本紀不載 按仁宗本紀眞宗乾興元年十一月辛巳初御崇政殿西閣講筵命侍講孫奭馮元講論語

仁宗天聖四年侍讀學士宋綬進論語要言

按宋史仁宗本紀不載 按玉海天聖四年閏五月侍讀學士宋綬錄惟皇誠德賦孝經論語要言唐太宗帝範二卷開元中楊浚聖典三卷楊相如君臣政理論三卷以進時帝好儒學太后命綬擇前代文字資孝養補政治者以備帝覽故也

皇祐元年九月所鐫石室十三經工畢論語張德劍書

按宋史仁宗本紀不載 按玉海石室十三經孟蜀所鐫皇祐元年歲次己丑九月辛卯朔十五日乙巳工畢論語爾雅張德劍書

至和元年詔宗室克繼臨蔡邕古文法寫論語

按宋史仁宗本紀不載 按宗室魏悼王廷美傳循國公子克繼善楷書九工篆隸宗正薦之仁宗親臨試及令臨蔡邕古文法寫論語詩書復詔與朝士分隸石經帝曰李陽冰唐室之秀今克繼朕之陽冰也嘗進所集廣韻字源帝稱善藏之 至和二年三月判國子監王洙以石經論語見書鐫

未就乞促近限畢工九月皇姪克繼寫石經論語畢上之

按宋史仁宗本紀不載 按玉海仁宗命國子監取

易詩書周禮禮記春秋孝經爲篆隸二體刻石兩楹

至和二年三月五日判國子監王洙言國子監刊立

石經至今一十五年止孝經刊畢尚書論語見書鐫

未就乞促近限畢工餘經皆罷從之 又云至和元

年皇姪克繼所寫石經論語求書石國子監二年九

月十五日工畢上之賜銀幣

神宗熙寧 年始以論語置學官

按宋史神宗本紀不載 按朱子論語要義目錄序

至道咸平間命翰林學士邢昺等取皇甫侃疏約而

修之以爲正義其於章句訓詁名器事物之際詳矣

熙寧中神祖垂意經術始置學官以幸學者

元豐八年十二月經筵講魯論

按宋史神宗本紀不載 按哲宗本紀神宗元豐八

年十二月壬戌開經筵講魯論三朝寶訓

哲宗元祐二年呂公著范祖禹等進論語要語

按宋史哲宗本紀不載 按玉海元祐二年九月庚

午呂公著言伏觀今月十五日以經筵講論語畢賜

執政及講筵官御筵是日內出御書唐賢律詩分賜

臣等各一篇次日臣于延和謝今論語終快進講尚

書二書皆聖人之格言爲君之要道臣輒于尚書論

語孝經中節取要語凡一百段惟取明白切于治道

者庶便省覽他日太皇太后宣諭公著曰所進尚書

之言得二百一十九事以備聖札所冀手書之目觀之心存之以助聖德之萬一名曰三經要語

元祐 年范祖禹進論語說

按宋史哲宗本紀不載 按玉海范祖禹論語說元祐中所進數引劉敞程頤之說

紹聖元年國子司業葉原請以王雱論語義刊板傳學者

按宋史哲宗本紀不載 按龔原傳紹聖初召拜國子司業請以王安石所撰字說洪範傳及子雱論語孟子義刊板傳學者故一時學校舉子之文靡然從之其敝自原始

高宗建炎二年上寫論語于絹屏

按宋史高宗本紀不載 按玉海建炎二年九月己亥上謂輔臣曰近將語孟治道處手寫入于絹屏又曰語孟習之熟真有可嘉

紹興七年詔給尹焞筆札解論語以進

按宋史高宗本紀不載 按尹和靖年譜紹興七年閏十月初八日奉聖旨尹焞除秘書郎兼崇政殿說書辭不允令先次朝見赴講筵供職十二日入見力辭于上前上曰朕渴卿久矣知卿從程頤學俟卿以講學不敢以有他遂供職講筵承續講衛靈公之末章稱旨遂給筆札解論語以進

紹興八年四月尹焞進所解論語賜六品服

按宋史高宗本紀不載 按尹和靖年譜紹興八年二月二十七日除秘書少監仍兼崇政殿說書每當赴講之日前一夕必沐浴更衣以所講書置案上朝服再拜齋于燕室學者問之先生曰必欲以所言感

悟君父安得不敬人君其尊如天必須盡己之誠意吾言得入則天下蒙其利不能入則反之又安得不敬十三日詔促解論語四月十七日又於經筵求去翌日上諭參知政事劉公大中曰尹焞學問淵源足爲後學矜式班列中得老成人爲之領袖亦足以見朝廷氣象十八日除徽猷閣主官萬壽觀依舊兼崇政殿說書二十日進呈所解論語五月四日詔賜緋衣銀魚

按尹和靖文集先生曰某在經筵進論語解別無可取只一篇序却是某意曰學貴力行不貴空言若欲意義新奇文辭華瞻則非臣所知此是某意 先生既進論語解一日德壽忽謂趙丞相曰朕看尹某日間所行全是一部論語趙曰陛下可謂知人矣

按玉海紹興中尹焞爲崇政殿說書八年四月戊寅詔尹焞解論語書成賜六品服

紹興十三年正月以王質論語口義送史館十一月上寫論語畢刊石國學

按宋史高宗本紀不載 按玉海紹興十三年正月二十四日王質進父賓論語口義送史館 又云繫

年錄云紹興十三年十一月丁卯上寫六經論語孟子畢秦檜因請刊石國學仍頒墨本賜諸路州學詔可

紹興十六年五月上書論語刊石立于太學

按宋史高宗本紀不載 按玉海紹興十六年五月上書論語孟子皆刊石立于太學首善閣及大成殿

後三禮堂之廊廡一云十

紹興二十四年十二月命毀程瑀論語講解

此為試讀，需要完整PDF请访问：www.ertongbook.com

按宋史高宗本紀紹興二十四年十二月以故龍圖閣學士程瑀有論語講解秦檜疑其議己知饒州洪興祖書爲序京西轉運使魏安行錄板至是命毀之興祖韶州安行欽州編管瑀子孫亦論罪

孝宗淳熙五年張瑄上論語二十篇

按宋史孝宗本紀不載 按玉海淳熙五年六月九日軍器少監張瑄上論語拾遺二十篇付祕閣

金

熙宗皇統元年二月戊午上親祭孔子廟自是讀論語

按金史熙宗本紀皇統元年二月戊午上親祭孔子廟北面再拜謂侍臣曰朕幼年遊佚不知志學歲月逾邁深以爲悔孔子雖無位其道可遵使萬世景仰自是頗讀尚書論語諸書或以夜繼焉 按孔璠傳詔求孔子後加璠承奉郎襲封衍聖公奉祀是時熙宗頗讀論語尚書春秋左氏傳及諸史乙夜乃罷廢帝天德三年置國子監論語用何晏集註邢昺疏自國子監印板授諸學校

按金史廢帝本紀不載 按選舉志凡養士之地曰國子監始置于天德三年論語用何晏集註邢昺疏自國子監印之授諸學校

世宗大定二十三年九月使譯經所進所譯論語

按金史世宗本紀大定二十三年九月己巳使譯經所進所譯易書論語孟子等書命頒行之

元

世祖至元五年勅從臣錄論語

按元史世祖本紀至元五年十月庚寅勅從臣充思

忽等錄毛詩論語孟子

至元二十四年定國子學制凡讀書必先論語

按元史世祖本紀不載 按選舉志至元二十四年立國子學而定其制凡讀書必先孝經小學論語博士助教親授句讀音訓正錄伴讀以次傳習之講說則依所讀之序

文宗天曆元年廉訪使鄭允中表金履祥所著論語集註考證上于朝

按元史文宗本紀不載 按儒學金履祥傳履祥所著書曰論語孟子集註考證十七卷門人許謙爲益加校定天曆初廉訪使鄭允中表上其書于朝

明

世宗嘉靖二年御文華殿講官倫以訓進講論語

按春明夢餘錄嘉靖二年御文華殿講官倫以訓進講論語陽膚爲士師講義上批云以訓講哀矜勿喜云是慈悲憐憫夫慈悲二字是釋氏之教也懷宗崇禎三年文震孟進講論語

按明外史文震孟傳崇禎改元召爲侍讀改左中允

充日講官三年進諭德直講如故震孟在講筵最嚴正嘗講君使臣以禮章反覆規諷帝即出尚書喬允升侍郎胡世賞于獄

崇禎十五年八月講官丘瑜等進講論語 按春明夢餘錄崇禎十五年八月二十四日日講詹事丘瑜進講論語至師摯之始章帝問咸英韶濩瑜對是四代樂名上曰子在齊聞韶樂瑜對即此韶樂上復問關雎之亂亂字瑜對是樂之辛章上曰當時夫子聞韶三月不知肉味是何等氣象九月十八日

上日講講官講論語子罕言利一節帝召輔臣前問夫子論仁如欲立欲達克己復禮天下歸仁及出門使民等語言仁儘多何云罕言輔臣延儒對此即性與天道不可得聞之意德璟對聖人未嘗不言仁只門弟子悟者以爲言不悟者以爲罕言耳又問命與仁如何分別德璟對總是一理在天爲命在心爲仁帝首肯一日克己復禮天下歸仁便是修己以安百姓意思輔臣極贊以爲聖見明徹吳姓言帝王學問只是明德新民德璟言明明德於天下便是天下歸仁次日手諭先生等論仁諸說深當朕心著即撰寫進呈以便觀覽

論語部彙考二

晉何晏論語集解十卷

按晏等進論語集解序漢中壘校尉劉向言魯論語二十篇皆孔子弟子記諸善言也太子太傅夏侯勝前將軍蕭望之丞相韋賢及子元成等傳之齊論語二十二篇其二十篇中章句頗多于魯論琅邪王卿及膠東庸生昌邑中尉王吉皆教授故有魯論有齊論魯共王時嘗欲以孔子宅爲宮壞得古文論語齊論有問王知道多于魯論二篇古論亦無此二篇分

堯曰下章子張問以爲一篇有兩子張凡二十一

篇次不與齊魯論同安昌侯張禹本受魯論兼講齊

說善者從之號曰張侯論爲世所貴包氏周氏章句

出焉古論惟博士孔安國爲之訓解而世不傳至順

帝時南郡太守馬融亦爲之訓說漢末大司農鄭元

就魯論篇章考之齊古爲之註近故司空陳羣太常

王肅博士周生烈皆爲義說前世傳授師說雖有異

同不爲訓解中間爲之訓解于今多矣所見不同互

有得失今集諸家之善記其姓名有不安者頗爲改

易名曰論語集解光祿大夫關內侯臣孫邕何晏等

上

唐陸德明論語釋文一卷

按德明自序論語者孔子應答弟子及時人所言或

篇次不與齊魯論同

新論云文異音四百餘字

孔安國爲傳後漢馬融亦注之安昌侯張禹受魯論

於夏侯建又從庸生王吉受齊論擇善而從號曰張

侯論最後而行於漢世禹以論授成帝後漢包咸

張包周之篇章考之齊古爲之注焉魏吏部尚書何

晏集孔安國包咸周氏馬融鄭元陳羣

王肅周生烈之說并下己意爲集解正始中上之盛

行於世今以爲主

唐韓愈論語筆解一卷

按金玉節序韓先生誠不愧一代大儒哉昔自秦火

既熾聖道幾微逮漢世表章六經名儒迭出其於易

詩書禮樂春秋外卽及論語孝經以二書皆出孔壁

矣哉敢拜手以序其後後學江都金玉節書

宋尹焞論語解 卷

按焞進論語解序臣自布衣入侍經筵被旨解論語

以進臣備職勸講不敢以寡陋辭竊惟是書適集記

孔子嘉言善行苟能卽其問答如親炙于聖人之門

然默識心受而躬行之則可謂善學矣後之解其文

義者數千百家俾臣復措說其下亦不過稱贊而已

恭惟陛下聖學高明出乎天縱如舜好問如湯日新

舉賢而遠不仁修己以安百姓固以合符乎夫子之

道施之于事業矣復何有待于臣之說然而學貴于

力行不貴空言若欲意義新奇文辭華贍則非臣所

知也姑撫所聞以稱明詔臣謹上

按焞又序 孔子以來道學屢絕言語文字去本

益賒是故先王遺書雖以講誦而傳或以解說而陋

况其所論所趨不無差謬豈惟無益害有甚焉脫使

窮其根源謹其辭說苟不踐行等爲虛語此先賢所

以重講解慎言辭也况如臣者材質甚愚修爲無取

施之于己未見其功挾以事君亦將何有其於聖賢

言行何足以窺不測奧妙發明指歸強顏爲之第塞

詔旨臣無任慚羞恐懼之至

按焞題後焞紹興七年十一月被召到闕賜對押赴

經筵承續講說論語衛靈公之末一章次日有旨給

筆札解論語以進念以說書爲職不敢以固陋辭方

以病困始蒙賜寬假病安日解進明年二月駕還錢

塘焞以病從百司先行三月病少愈力疾日赴經筵

是月十三日詔促成書以進時手顫目昏心思荒錯

堯曰下章子張問以爲一篇有兩子張凡二十一

篇次不與齊魯論同安昌侯張禹本受魯論兼講齊

說善者從之號曰張侯論爲世所貴包氏周氏章句

出焉古論惟博士孔安國爲之訓解而世不傳至順

帝時南郡太守馬融亦爲之訓說漢末大司農鄭元

就魯論篇章考之齊古爲之註近故司空陳羣太常

王肅博士周生烈皆爲義說前世傳授師說雖有異

同不爲訓解中間爲之訓解于今多矣所見不同互

有得失今集諸家之善記其姓名有不安者頗爲改

易名曰論語集解光祿大夫關內侯臣孫邕何晏等

上

唐陸德明論語釋文一卷

按德明自序論語者孔子應答弟子及時人所言或

篇次不與齊魯論同

新論云文異音四百餘字

孔安國爲傳後漢馬融亦注之安昌侯張禹受魯論

於夏侯建又從庸生王吉受齊論擇善而從號曰張

侯論最後而行於漢世禹以論授成帝後漢包咸

張包周之篇章考之齊古爲之注焉魏吏部尚書何

晏集孔安國包咸周氏馬融鄭元陳羣

王肅周生烈之說并下己意爲集解正始中上之盛

行於世今以爲主

唐韓愈論語筆解一卷

按金玉節序韓先生誠不愧一代大儒哉昔自秦火

既熾聖道幾微逮漢世表章六經名儒迭出其於易

詩書禮樂春秋外卽及論語孝經以二書皆出孔壁

矣哉敢拜手以序其後後學江都金玉節書

宋尹焞論語解 卷

按焞進論語解序臣自布衣入侍經筵被旨解論語

以進臣備職勸講不敢以寡陋辭竊惟是書適集記

孔子嘉言善行苟能卽其問答如親炙于聖人之門

然默識心受而躬行之則可謂善學矣後之解其文

義者數千百家俾臣復措說其下亦不過稱贊而已

恭惟陛下聖學高明出乎天縱如舜好問如湯日新

舉賢而遠不仁修己以安百姓固以合符乎夫子之

道施之于事業矣復何有待于臣之說然而學貴于

力行不貴空言若欲意義新奇文辭華贍則非臣所

知也姑撫所聞以稱明詔臣謹上

按焞又序 孔子以來道學屢絕言語文字去本

日進至而學者祁寬呂稽中在焉書成皆三子之助也九年春復病丐歸蒙恩授以閑祿聽其自便遂寓居平江府虎丘寺之西庵寬從余居上方暇日見此帙云當時潛錄欲終身誦之甚矣其嗜學也相從既久若是書也講亦熟矣豈不知此一時應詔而成皆前人成說雖有一二臆見坐以老病拙訥心之精微詞不能達今取觀之徒有愧汗先聖不云乎吾無行不與二三子者是丘也焯於諸公亦然何用此爲寬復請藏之因識始末併戒其勿以示人幸諒區區之意冬至後一日書于三畏齋

按韓元吉跋和靖先生論語解詞極簡嚴將俾學者深味其旨而有所自得也乾道庚寅歲元吉憂居上饒遇先生門人王德修問此書亡恙且曰子異時官守不刊行之耶元吉于是愧其言會明年行將官中都度未可輟也乃以舊年兄弟手所抄付于故人趙德莊于建安庶可成焉昔和靖嘗云某從伊川先生學易時伊川出易傳七十餘家和靖茫然不知所入伊川曰日觀一爻可也繼有所質問伊川色莊而氣嚴未嘗語也或曰未也姑求之己而意有所會伊川始忻然爲之剖析諸傳而伸以己說蓋終身不忘也故其誨人亦欲如此此書所以簡嚴者歟某年某月

穎州韓元吉記

楊時論語解二卷

按時自序學者之視聖人其猶射之于正鵠乎雖巧力所及有遠近中否之不齊然未有不志乎正鵠而可以言射也士之去聖人或相倍蓰或相什百所造固不同然未有不志乎聖人而可以言學也道廢千

有餘年百家之言盈天下學者將安取正乎質諸聖人而已矣夫論語之書孔子所以告其門人羣弟子所以學于孔子者也聖學之傳其不在茲乎然而其言近其指遠世儒以其近也易之以爲童子之習而莫之究入德之途背而去之如在荒墟之中曾無蘆廬以託宿焉况能宅天下之廣居乎善夫伯樂之論馬也以爲天下馬不可以形容筋骨相視其所視而遺其所不視則馬之絕塵弭轍者無遺矣余於是得爲學之方焉夫道之不可言傳也審矣士欲窺聖學淵源而區區于章句之末是猶以形容筋骨而求天下馬也其可得乎余于是書也于牝牡有不知蓋多矣學者能視其所視而遺其所不視則於余言其庶幾乎

丘子野論語纂訓一篇

按朱熹序論語纂訓書無第卷合一篇凡古今論語訓義見錄者十四家而大抵宗程氏蓋熹外兄丘子野所述子野亦以意附見其是非取舍之說熹讀之其不合于聖人者寡矣因爲序論曰士生乎聖人既沒數千百歲之下而欲明聖人之心于數千百歲之上推其立言垂訓之旨約其辭義于衆說紛亂之中以爲一家之書而又欲其是非取舍不謬于聖人亦難矣蓋聖人之書其爲意微其爲辭約苟不明乎其宗而識乎其本多見其以私見臆說亂之也昔之大儒其猶有不免乎此者况後世之紛紛乎此其所以難也抑又有甚難者焉孔子曰文莫吾猶人也躬行君子則吾未之有得此其所以爲甚難者也夫其所以難者如此所以爲甚難者又如此則是書之作亦

將明乎其所難者求至乎其所以難而已其可已乎故其求之能博取之能審推是言之其實過矣孟子曰博學而詳說之將以反說約也此之謂已如是則後聖人數千百歲而生而欲明其心于數千百歲之上無難矣夫學之所以盡其心如此又安有放其邪心以窮乎外物之思哉其行之也不遠矣則其所以爲甚難者又得而庶幾焉熹是以樂道之而爲之序所以明子野之爲是書其難如此而亦以著其從事于聖人者不易焉紹興三十二年十月十八日序

張栻論語解 卷

按栻自序學者學乎孔子者也論語之書孔子之言行莫詳焉所當終身盡心者宜莫先乎此也聖人之道至矣而其所以教人者大略則亦可睹焉蓋自始學則教之以爲弟爲子之職其品章條貫不過于聲氣容色之間洒掃應對進退之事此雖爲人事之始然所謂天道之至隨者初亦不外乎是聖人無隱乎爾也故當其始則有致知力行之地而極其終則有非思勉之所能及者亦貴于行著習察盡其道而已矣孔子曰道之不行也我知之矣知者過之愚者不及也道之不明也我知之矣賢者過之不肖者不及也秦漢以來學者失其傳其間雖或有志于力行而其知不明槌塗索塗莫適所依以卒背于中庸本朝河南君子始以窮理居敬之方開示學者使之致知力行有所循守以入堯舜之浩然近歲以來學者又失其旨汲汲求所謂知而躬行則忽焉本之立故其所知特出于臆度之見而無以有諸躬識者蓋憂之此特未知二者互相發之故也孔子曰學而

不思則罔思而不學則殆歷攷聖賢之意蓋欲使學者于此二端兼致其力始則據其所知而行之行之力則知愈進知之深則行愈達是知嘗在先而行未嘗不隨之也知有精粗必由粗以至精行有始終必自始以及終內外交正本末不遺條理如此而後可以言無弊然則聲氣容色之間洒掃應對進退之事乃致知力行之原也其可舍是而他求乎顧枋何足以與明斯道輒因河南餘論推以己見輯論語說為同志者切磋之資而又以此序冠于篇首焉乾道九年五月壬辰朔廣漢張枋序

宋朱熹論語要義 卷

按熹自序魯論語二十篇古論語二十一篇分章曰

誤問別一篇魯共王齊論語二十二篇有問王知魏何晏等集漢魏諸儒之說就魯論篇章考之齊古為

之註本朝至道咸平間又命翰林學士邢昺等取皇

甫偏疏約而修之以為正義其于章句訓詁名器事

物之際詳矣熙寧中神祖垂意經術始制學官以幸

學者而時相父子逞其私智盡廢先儒之說妄意穿

鑿以利誘天下之人而塗其耳目一時文章豪傑之

士蓋有知其是非而傲然不為之下者顧其所以為

說又未能卓然不叛于道學者趨之是猶舍夷貉而

適戎蠻也當此之時河南二程先生獨得孟子以來

不傳之學于遺經其所以教人者亦必以是為務然

其所以言之者則異乎人之言之矣熹年十三四時

受其說于先君未通大義而先君棄諸孤中間歷訪

師友以為未足於是徧求古今諸儒之說合而編之

誦習既久益以迷眩晚親有道竊有所聞然後知其

朱熹論語訓蒙口義 卷

按熹自序予既序次論語要義以備覽觀暇日又為

兒童讀之大抵諸老先生之為說本非為童子設也

故其訓詁略而義理詳初學者讀之經之文句未能

自通又當遍誦諸說問其指意茫然迷眩殆非啓蒙

之要因為刪錄以成此編本之注疏以通其訓詁參

之釋文以正其音讀然後會之于諸老先生之說以

發其精微一句之義係之本句之下一章之指列之

本章之左又以平生所聞于師友而得于心思者間

附見一二條焉本末精粗大小詳略無或敢偏廢也

然本其所以作取便于童子之習而已故名之曰訓

蒙口義蓋將藏之家塾俾兒童學焉非敢為他人發

也嗚呼小子來前予幼復承父師之訓從事于此二

蔡節論語集說 卷

按節進論語集說表曰臣節言臣五月十一日具奏

乞投進所編論語集說奉聖旨許令投進者伏以求

知行之實誠莫切于魯論加講習之功端有裨于聖

學喜數年之編集幸一旦之際逢竊惟洙泗垂訓之

書莫非帝王傳道之要存心為大主敬以勝百邪克

己實難為仁以該眾善能博文而約禮復篤志而近

思視明聽聰截然天理人欲之辨直舉枉錯判乎君

子小人之分思君位之至艱畏天命之不易欲如北

辰之眾其當正南面以篤恭權權不至于下移禮樂征

伐之自出俗必期于丕變德禮刑政之並行常念四

海之困窮用躋羣生于富庶寧菲衣而非食庶足國

以足民放鄭聲遠佞人邦政以立舉逸民繼絕世人

十餘年材資不敏未能有得今乃妄意採掇先儒有所取捨度德量力夫豈所宜然施之汝曹取其易曉本非述作以是庶幾其可幸無罪焉爾夫其訓釋之詳且明也日講焉則無不通矣義理之精而約也日誦焉則無不識矣通者已知而時習識者未解而勿忘予之始學亦若是而已矣嗚呼小子其懋敬之哉汲汲焉而無欲速也循循然然而無取情也母牽于俗學而絕之以為迂且淡也母惑于異端而躐之以為近且卑也聖人之言大中正之極而萬世之標準也古之學者其始即此以為學其卒非離此而為道窮理盡性修身齊家推而及人內外一致蓋取諸此而無所不備亦終吾身而已矣舍是而他求夫豈無可觀者然致遠恐泥泥昔者吾幾陷焉今裁自脫故不願汝曹之為之也嗚呼小子其懋戒之哉

心攸歸詳味聖言悉關后德豈惟一王之成式抑亦百代之宏規茲蓋恭遇皇帝陛下性本生知學由特習洞明一貫之旨深省四勿之幾伏願惟精惟一以執中克勤克儉而無間體成湯之罪己簡在帝心法帝堯之則天大茲君道臣干冒天威無任激切屏營之至臣所編輯論語集說二十卷繕寫成一十冊用黃羅夾複封全謹隨表上進以聞臣節惶懼惶懼頓首頓首謹言

按經解序論語集說二十卷宋朝散郎試太府卿兼樞密副都承旨永嘉蔡節編淳祐五年表進于朝今作十卷蓋當日刊于湖賴本已然也是書宋藝文志不載諸家藏書目俱未收予乃購得之幸矣永嘉自伊洛諸儒未作王景山出發明經蘊述儒志一編其後則有劉安節元承鮑若雨商霖謝天申用休潘旻子文周行已恭叔陳經正貴一暨弟經邦貴叙其姓名皆入伊洛淵源錄中而著羣經說者若陳鵬飛少南薛季宣士龍張淳忠甫葉適正則戴溪肖望陳傳良君舉葉味道知道錢文子文季黃仲炎若晦湯建達可陳埴潛室王與之次點皆有成書著錄諺曰溫居瀛壖理學之源不信然與顧諸君子之書或存或亡不可盡得予序蔡氏集說而附及之蓋將以求所未見焉

趙變論語說 卷

按魏了翁跋自秦漢以後爲語孟者何翅千有餘家稽合同異參訂訛舛亦云蠶備極于二程先生以後聖賢之心蓋已暴白庶幾無復餘憾矣廣漢趙君燮一日以論語說一編示余爲之喟然嘆曰聖人之道

如彼僑尊之不禁有味之而知其旨樂焉而不厭者矣又有得涓滴而知之者有不知而唾棄弗顧者令趙君爲之躊躇四顧蓋亦知其可好者充之而至于樂焉則更以勉之

十圖論語大意 卷

按明都穆跋余家舊藏論語大意及孟子大意二書皆宋刻本而無著書人名嘗觀文獻通考以二書爲十圖誤亦不書其鄉郡后見劉禹錫嘉話有十圖跋始知圖爲宋海陵人海陵即今之泰州余友儲都憲靜夫欲修州志會間以十圖語之儲君鄂然曰吾用志公事而不知此人修志非君不能益我惜儲君已沒志竟不成念之未嘗不太息也

欽定古今圖書集成理學彙編經籍典

第二百六十六卷目錄

論語部彙考三

漢書藝文志 論語

隋書經籍志 論語

唐書藝文志 論語

宋史藝文志 論語

論語部彙考四

唐陸德明經典釋文 論語

宋鄭樵通志 論語

王應麟漢書藝文志考證 論語

馬端臨文獻通考 論語

經籍典第二百六十六卷

論語部彙考三

漢書藝文志

論語

論語古二十一篇 出孔子壁中兩子張如淳曰分喪

下篇篇名

齊二十二篇 多同王知通舊篇名也

魯二十篇傳十九篇 師古曰解釋

齊說二十九篇

魯夏侯說二十一篇

魯安昌侯說二十一篇 師古曰張禹也

魯王駿說二十篇 師古曰王吉子

燕傳說三卷

議奏十八篇 石渠

孔子家語二十七卷 師古曰非今所有家語

孔子三朝七篇 師古曰今大戴禮有其一篇蓋孔子對魯哀公語也三朝見公故曰三朝

孔子徒人圖法二卷

凡論語十二家二百二十九篇

論語者孔子應答弟子時人及弟子相與言而接聞於夫子之語也當時弟子各有所記夫子既卒門人相與輯而論纂故謂之論語 師古曰輯與漢興有齊魯之說傳齊論者昌邑中尉王吉少府宋畸 師古曰畸音反御史大夫貢禹尚書令五鹿充宗膠東庸生唯王陽名家 師古曰王吉子傳魯論語者常山都尉龔奮長信少府夏侯勝丞相韋賢魯扶卿前將軍蕭望之安昌侯張禹皆名家張氏最後而行於世

論語

論語十卷 注 鄭元注梁有古文論語十卷鄭元注又王肅虞翻譙周等注論語各十卷亡

論語九卷 注 鄭元注晉散騎常侍虞喜讀集解論語十卷 注 何晏集

集注論語六卷 注 晉八卷晉太保衛瓘注梁有論語

補闕二卷宋明帝補衛瓘闕亡

論語集義八卷 注 晉尚書左中兵郎崔豹集梁十卷

論語十卷 注 晉著作郎李充注

集解論語十卷 注 晉廷尉孫綽解梁有盈氏及孟釐

注論語各十卷亡

集解論語十卷 注 晉兖州別駕江熙解

論語七卷 注 盧氏注梁有晉國子博士梁觀益州刺

史袁喬尹毅司徒左長史張馮及陽惠明朱新安太

守孔澄之齊員外郎虞遐及許容曹思文注釋僧智

略解梁太史叔明集解陶弘景集注論語各十卷又

論語音二卷徐邈等撰亡

論語難鄭一卷 注 梁有古論語義注譜一卷徐氏撰

論語隱義注三卷論語義注三卷亡

論語難鄭一卷 注 疑重

論語標指一卷 注 司馬氏撰

論語雜問一卷

論語孔子弟子目錄一卷 注 鄭元撰

論語體略二卷 注 晉太傅主簿郭象撰

論語旨序三卷 注 晉衛尉繆播撰

論語釋疑三卷 注 王弼撰

論語釋一卷 注 張憑撰

論語釋疑十卷 注 晉尚書郎樂肇撰梁有論語釋駁

三卷王肅撰論語駁序二卷樂肇撰論語隱一卷郭

象撰論語藏集解一卷應琛撰論語釋一卷曹毗撰

論語君子無所爭一卷庾亮撰論語釋一卷李充撰

論語釋一卷庾翼撰論語義一卷王濛撰又蔡系論

語釋一卷張隱論語釋一卷鄭原通鄭一卷王氏修

鄭錯一卷姜處道論語釋一卷亡

論語別義十卷 注 范虞撰梁有論語疏八卷宋司空

法曹張略等撰新書對張論十卷虞喜撰

論語義疏十卷 注 褚仲都撰

論語義疏十卷 注 皇侃撰

論語述義十卷 注 劉炫撰

論語義疏八卷

論語講疏文句義五卷 注 徐孝克撰殘缺

論語義疏二卷 注 張冲撰梁有論語義注圖十二卷

亡

孔叢子七卷 注 陳勝博士孔鮒撰梁有孔志十卷梁

太尉參軍劉被撰亡

孔子家語二十一卷 注 王肅解梁有當家語二卷魏

博士張融撰亡

孔子正言二十卷 注 梁武帝撰

論語者孔子弟子所錄孔子既敘六經講于洙泗之

上門徒三千達者七十其與夫子應答及私相講肄

言合于道或書之于紳或事之無厭仲尼既沒遂緝

而論之謂之論語漢初有齊魯之說其齊人傳者二

十二篇魯人傳者二十篇齊則昌邑中尉王吉少府

宗師御史大夫貢禹尚書令五鹿充宗膠東庸生魯

則常山都尉龔奮長信少府夏侯勝韋丞相節侯父

子魯扶卿前將軍蕭望之安昌侯張禹並名其學張

禹本授魯論晚講齊論後遂合而考之刪其煩惑除

去齊論問王知道二篇從魯論二十篇爲定號張侯

論當世重之周氏包氏爲之章句馬融又爲之訓又

有古論語與古文尚書同出章句煩省與魯論不異

唯分子張爲二篇故有二十一一篇孔安國爲之傳漢

末鄭元以張侯論爲本參考齊論古論而爲之注魏

司空陳羣太常王肅博士周生烈皆爲義說吏部尚

書何晏又爲集解是後諸儒多爲之注齊論遂亡齊

論先無師說梁陳之時唯鄭元何晏立於國學而鄭

氏甚微周齊鄭學獨立至隋何鄭並行鄭氏盛於人

間其孔叢家語並孔氏所傳仲尼之旨爾雅諸書解

古今之意并五經總義附於此篇 鄭元撰今歸鄭學

唐書藝文志

論語

論語鄭元注十卷

又注論語釋義一卷

論語篇目弟子一卷

王弼釋疑二卷

王肅注論語十卷

又注孔子家語十卷

李充注論語十卷

梁觀注十卷

孟釐注九卷

袁喬注十卷

尹毅注十卷

張氏注十卷

何晏集解十卷

孫綽集解十卷

盈氏集義十卷

江熙集解十卷

徐氏古論語義注譜一卷

虞喜贊鄭元論語注十卷

楊惠明義注十卷

宋明帝補衛瓘論語注十卷

樂肇論語釋十卷

又駁二卷

崔豹大義解十卷

繆播旨序二卷

郭象體略二卷

戴詵述議二十卷

劉炫章句二十卷

皇侃疏十卷

褚仲都講疏十卷

義注隱三卷

雜義十三卷

別義十卷

徐遵音二卷

孔叢七卷

王勃次論語十卷

賈公彥論語疏十五卷

韓愈注論語十卷

張籍論語注辨二卷

右論語類三十家三十七部三百二十七卷失姓

名三家韓愈以下不著錄二家十二卷

宋史藝文志

論語

論語十卷 注 何晏等集解

皇侃論語疏十卷

韓愈集解二卷

陸德明釋文一卷

馬總論語樞要十卷

陳銳論語品類七卷

論語井田圖一卷

邢昺正義十卷

周武集解辨誤十卷

宋咸增注十卷

王令注十卷

紀賈論語摘科辨解十卷

王安石通類一卷

王雱解十卷

孔武仲論語說十卷

呂惠卿論語義十卷

蔡申論語纂十卷

蘇軾解四卷

蘇轍論語拾遺一卷

程頤論語說一卷

劉正容重注論語十卷

陳禾論語傳十卷

晁說之講義五卷

楊時解二卷

謝良佐解十卷

范祖禹論語說二十卷

游酢雜解一卷

龔原論語解一部注卷亡

呂大臨解十卷

尹焞論語解十卷

侯仲良說一卷

鄒浩解十卷

汪革直解十卷

葉夢得釋言十卷

黃祖舜解義十卷

張九成解十卷

吳棫續解十卷

又考異一卷

說例一卷

喻樛玉泉論語學四卷

張栻解十卷

湯烈集程氏說二卷

倪思論語義証二十卷

葉隆古解義十卷

洪興祖論語說十卷

史浩口義二十卷

薛季宣論語小學二卷

林栗論語知新十卷

朱熹論語精義十卷

又集註十卷

集義十卷

或問二十卷

論語註義問答通釋十卷

鄭汝解義十卷

張演魯論明微十卷

意原十卷

錢文子論語傳贊二十卷

王汝欲論語歸趣二十卷

徐煥論語贅言二卷

曾幾論語義二卷

陳儀之講義二卷

姜得平本旨一卷

論語指南一卷注黃祖禹沈大康明宏辨論

戴溪石鼓答問三卷

東谷論語一卷注不知作者

陳者卿論語記蒙六卷

孔子家語十卷注魏王肅注

論語元義十卷

論語要義十卷

論語口義十卷

論語展掌疏十卷

論語閱義疏十卷

論語世譜三卷注並不知作者

王居正論語感發十卷

章良史論語探古二十卷

黃幹論語通釋十卷

又論語意原一卷

十圖論語大意二十卷

高瑞叔論語傳一卷

真德秀論語集編二十卷

魏了翁論語要義一十卷

右論語類七十三部五百七十九卷注王居正論語感發以下不著錄八部八十二卷

論語部彙考四

唐陸德明經典釋文

論語

鄭元注十卷

王肅注十卷

虞翻注十卷

何晏集解十卷

譙周注十卷字允南巴西人晉散騎常侍不拜陽城亭侯

衛瓘注八卷少二卷明帝補闕

崔豹注十卷字正熊燕國人晉尚書左中兵郎

李充集注十卷東晉人

孫綽集注十卷字興公太原公東晉廷尉長樂亭侯

盈氏注十卷不詳何人

孟整注十卷一云孟陋陋字少孤江夏人東晉撫軍參軍不就

梁觀注十卷天水人東晉國子博士

袁喬注十卷字彥叔陳國人東晉益州刺史湘西簡侯

尹毅注十卷

江熙集解十二卷

張馮注十卷字長宗吳人東晉司徒左長史

孔澄之注十卷字仲淵會稽人宋新安太守

虞遐注十卷會稽人齊員外郎

王弼釋疑三卷

樂肇釋疑十卷

徐邈音一卷

右論語皇侃撰義疏行於世

宋鄭樵通志

論語

古文論語十卷注鄭元注

古論語義注譜一卷注徐氏

右古論語二部十一卷

蔡邕今文石經論語二卷

右正經一部二卷

論語十卷注鄭元

論語十卷注王肅

論語七卷注盧氏

論語十卷注晉著作郎李充

論語十卷注梁觀

論語九卷注孟整

論語十卷注袁喬

論語十卷注尹毅

論語十卷注張氏

論語十卷注韓愈

集解論語十卷注何晏

集註論語六卷注衛瓘

論語集義八卷注晉尚書左中兵郎崔豹

集解論語十卷注晉兗州別駕江熙

盈氏集義十卷

集解論語十卷注晉孫綽

續注論語十卷注史辟原

贊鄭元注十卷注虞喜

補衛瓘注十卷注宋明帝

右注解十九部百八十卷

論語章句二十卷注劉炫

論語講疏文句義五卷注徐孝克

右章句二部二十五卷

論語別義十卷注范虞

論語義疏十卷注褚仲都

論語義疏十卷注梁皇侃

論語大義解十卷注崔豹

論語述義十卷注劉炫

論語義疏八卷

論語義疏二卷注張冲

論語述義二十卷注戴詵

雜義十三卷

別義十卷

論語正義十卷注宋朝邢昺

論語展掌疏十卷

右義疏十二部一百二十三卷

論語難鄭一卷

論語標指一卷注司馬氏

論語雜問一卷

論語體略二卷注晉郭象

論語旨序二卷注晉繆播

論語釋疑三卷注王弼

論語釋一卷注張憑

論語釋疑十卷注晉樂肇

論語駁三卷注樂肇

論語義注隱三卷

論語陳說一卷注僧贊寧

論語筆解二卷注韓愈

論語樞要十卷

論語元義二卷

右論難十四部四十三卷

論語刊誤二卷注李滄

論語辨十卷注周式

右論語辨正二部十二卷

論語孔子弟子目錄一卷注鄭元

論語撰人名二卷

論語世譜一卷

右名氏譜三部三卷

論語音二卷注徐邈

論語釋文十一卷

右音釋二部十三卷

論語識八卷

右識緯一部八卷

孔叢子七卷注陳勝博士孔鮒撰

孔叢子釋文一卷注宋咸

孔子家語二十一卷注王肅注

富家語二卷注魏博士張融撰

孔子正言二十卷注梁武帝

次論語十卷注王勃撰

右續語七部七十一卷

凡論語十一種六十五部四百八十二卷

論語

論語古二十一篇出孔子壁中兩子張如淳曰分堯曰篇後子張問何如可以從政已下爲篇名曰從政

家語後序云孔安國爲古文論語訓二十一篇何晏序云古論唯博士孔安國爲之訓解而世不傳

新論云文異者四百餘字正義曰孔子舊宅壁中得古文經傳即謂論語孝經爲傳也古文者科斗

書蒼頡本體周所用以今所不識故名古文春秋正義引哀公問主於宰我案古論語及孔鄭皆以

爲社主張包周等並爲廟主釋文云不知命無以爲君子也魯論無此章今從古說文引狐貉之厚

衣長短右袂色字如也文質份份不使勝食既朝服稅身焉善射小人窮斯繼繼曰膳爾於上下

神祇友誼倭以杖荷篠有荷史而過孔氏之門鼻湯舟皆古文也注又引論語路予之足

齊二十二篇多問王知道

晁氏公武曰齊論有問王知道兩篇詳其名是必論內聖之道外王之業未必非夫子之最致意者

曰張侯論爲世所貴本傳禹爲成帝師以上好論語難數對已問經爲論語章句獻之鄭元以張侯

論爲本參考齊古而爲之法

孔子家語二十七篇注師古曰非今所有家語

馬昭謂今家語王肅增加非鄭元所見注肅私定以難元

孔子三朝七卷

劉向別錄云孔子見魯哀公問政比三朝退而爲

此記凡七篇並入大戴禮蜀志泰宓曰昔孔子三見哀公言成七卷裴松之注案中經傳有孔子三

朝八卷一卷目錄餘者所謂七篇注七篇今攷大戴禮千本四代虞德詒志小辨用兵少問

史記漢書文選注所引謂之三朝記爾雅疏張揖引禮三朝記皆此書也

孔子徒人圖法

太史公曰弟子籍出孔氏古文近是史記孟子世家弟子蓋三千焉身通六藝者七十二人索隱云

史記自子石以右三十五人顯有年名及受業聞見於書傳其四十有二人無年及不見書傳家語此例唯有三十七人注史記所傳七十有七家語所錄七十有六

其公良孺秦商顏亥叔仲會四人家語有事迹史記闕然自公伯寮秦冉鄒單三人家語不載而別有琴牢不知何說而張禹獨遺之禹身不知王鳳之邪正其不知此固宜然勢位足以軒輊一世使斯文遂喪惜哉何晏序云鄭元就魯論篇章考之齊古爲之註艾軒林氏曰康成溺於章句其竄定未必審也許氏說文有所謂逸論語是康成之說未行而論語散逸已有不傳者注說文逸論語曰玉粲之瑟今其瓊璫也如玉之瑩又曰瓊璫魯寶玉也孔子曰美哉瓊璫遠而望之矣若也近而視之瑟若也一則理勝二則乎勝初學記亦謂逸論語之文愚謂問玉疑即問玉也篆文相似季氏篇洪氏曰或以爲齊論正義曰齊人所傳魯二十篇

釋文曰鄭校周之本以齊古讀正凡五十事皇覽引魯讀六事正義曰魯論者魯人所傳即今所行篇次是也石經論語載盡毛包周有無不同之說其文有增損者其字亦有假借及用古者有字異而訓不遠若置其杖賈之哉者後漢傳有遼五逆四之文祝睡碑云鄉黨遼遼劉修碑云鄉黨遜遜如也古今人表卑湛尾生高尾生晦厥黨童子祀佗革子成弗勝廣韻引子西彼哉彼義切集韻引懷爾捨瑟而作

魯安昌侯說二十一篇

何晏序云張禹本受魯論兼講齊說善者從之

馬端臨文獻通考

經籍考

何晏論語注十卷

晁氏曰魏何晏集解其自序云據魯論包咸周氏孔安國馬融鄭康成陳羣王肅周生烈八家之說與孫邕鄭冲曹義荀顗集諸家訓解爲之按漢時論語凡有三而齊論有問王知道兩篇詳其名當是必論內聖之道外王之業未必非夫子之最致意者不知何說而張禹獨遺之禹身不知王鳳之邪正其不知此固宜然勢位足以軒輊一世使斯文遂與惜哉按齊論多於魯論二篇曰問王知道史稱爲張禹所刪以此遂無傳且夫子之言禹何人而敢刪之然古論語與古文尚書同自孔壁出者章句與魯論不異唯分堯曰子張問以下爲一篇共二十一篇則問王知道二篇亦孔壁中所無度必後儒依

倣而作非聖經之本真此所以不傳非禹所能刪也

皇侃論語疏十卷

晁氏曰梁皇侃撰古今論語之註多矣何晏集七家復采古論語註爲集解行於世侃今又引衛瓘繆播樂肇郭象蔡謨袁宏江惇蔡奕李充孫綽周懷范甯王珉凡十三家之說成此書其序稱江熙所集世謂其引事雖時詭異而援證精博爲後學所宗云

韓李論語筆解十卷

晁氏曰唐韓愈退之李翱習之撰前有祕書丞許勃序云韓李相與講論共成此書按唐人通經者寡獨兩公名冠一代蓋以此然四庫部鄆書目皆無之獨田氏書目有韓愈論語十卷筆解兩卷此書題曰筆解而兩卷亦不同

陳氏曰館閣書目云祕書丞許勃爲之序今本乃王存序云得於錢塘汪充而無許序

石經論語十卷

晁氏曰石經蜀張德鈞書關唐諱立石當在孟知祥未叛之前其文脫兩字誤一字又述而第七舉一隅下有而示之三字三人行必有我師焉上又有我字衛靈公第十五敬其事而後其食作後食其祿與李鷄本不同者此也

論語井田義圖 卷

崇文總目不著撰人名氏述周井田之法其曰論語者蓋爲論語學者引用云
論語正義十卷

晁氏曰皇朝邢昺等撰亦因皇侃所採諸儒之說刊定而成書
陳氏曰唐人止爲五經疏而不及孝經論語至母始奉詔爲之
按唐藝文志亦有賈公彥論語疏十五卷當攷

王令論語十卷

晁氏曰皇朝王令逢源撰解堯曰篇云四海不窮困則天祿不永終矣王安石書新義取之

王介甫論語解十卷王元澤口義十卷陳用之論語十卷

晁氏曰王介甫撰并其子雱口義其徒陳用之解紹聖後皆行於揚屋或日用之書乃鄒浩所著託之用之云

東坡論語解十卷類演論語拾遺 卷

類演自序予少爲論語解予瞻謫居黃州爲論語說盡取以往今見於書十二三也大觀丁亥閑居頴川爲孫籓簡筠講論語于瞻之說意有所未安時爲籓等言凡二十七章謂之論語拾遺恨不得質之于瞻也

晁氏曰蘇軾于瞻爲論語解沒後子由以其說之未安者辯正之

伊川論語說十卷

晁氏曰伊川門人記其師所解論語也不爲文辭直以俚語記之

范醇夫論語說十卷

晁氏曰元祐中所進數稱引劉敞程頤之說
謝顯道論語解十卷

晁氏曰顯道少師程正叔

朱子語錄上蔡論語解言語極多看得透時他只有一兩字是緊要 問謝氏之說多華校先生曰胡侍郎嘗教人看謝氏論語以其文字上多有發越處

呂與叔論語解十卷

晁氏曰與叔雖程正叔之徒解經不盡用其師說尹彥明論語解十卷

晁氏曰彥明程氏門人紹興中自布衣名爲崇政殿說書被旨訓解多採純夫之說

朱子語錄曰論語中程先生及和靖說只於本文上添一兩字甚平淡然意味深長須當子細看要

見得他意味方好 問精義中尹氏說多與二程同何也曰二程說得已明尹氏只說出處

王定國論語十卷

王鞏定國撰泰少游序略曰定國坐罪斥海上罷還詣東上閣門奏書曰臣無狀幸緣先臣之故獲齒仕版不能慎事陷於罪戾念無以自贖因職事之暇妄以所見註成論語十卷未敢以進唯陛下裁鑒之明日詔御藥院取其書去未報而神宗棄天下嗚呼自熙寧初王氏父子以經術得幸下其說於太學凡置博士試諸生皆以新書從事不合者黜罷之而諸儒之論廢矣定國於時處放逐之中蠻夷瘴癘之地乃能自信不惑論著成一家之言至天子聞之取其書非其氣過人何以及此姑掇其大槩使夫覽之者知定國著書之時爲如此又知神宗嚮經術亦非主於一家而已

汪氏論語直解十卷

晁氏曰汪華信撰撫州人紹聖中試禮部爲天下第一嘗語人曰吾鄉有二相一爲天下之福一爲天下之禍蓋指晏元獻王荆公也即此可見其解經淵源所自云

景迂論語講義十卷

晁氏曰從父詹事公撰多取古人之說以正近世之失

楊氏注論語十卷

晁氏曰楊時中立伊川門人也

游氏論語解十卷

陳氏曰游酢定夫伊川門人

論語釋言十卷

陳氏曰葉夢得少蘊撰

張氏論語解二十卷

陳氏曰張九成撰

五峯論語指南一卷

陳氏曰胡宏仁仲撰評論黃祖舜沈大廉之說

竹西論語感發十卷

陳氏曰中書舍人江都王居正撰凡十卷

論語探古二十卷

陳氏曰畢良史撰二十卷

洪興祖論語說一卷

中興藝文志其說多可采謂此書始於不愠終於知命蓋君子儒

論語續解考異說例共十二卷

中興藝文志吳棫撰自謂考研甚衆獨於何晏集中

解邢昺疏所得爲多又謂孔門弟子之言多未盡善而注信經疏信注太過嘗作指掌十卷亡於兵

火僅追記大略以解何晏集解之未盡未安者故曰集解又考他書之文之說異於論語者爲考異又爲說例有集語明原微言略例答問正統權道弟子雜說凡十篇多發明

陳氏曰其所援引百家諸史傳出入詳洽所稱樂肇駁王鄭之說間取一二肇管人隋唐志載論語釋二卷駁二卷按董道藏書志釋已亡駁幸存而崇文總目及諸藏書家皆無有棫蓋嘗見其書也館閣書目亦不載

玉泉論語學十卷

陳氏曰工部侍郎喻樗子才撰樗與張子韶諸公友善坐此得罪秦檜汪端明應辰其塏也

會吉甫論語義二卷

陳氏曰禮部侍郎曾幾撰胡文定公門人也

南軒論語說十卷

陳氏曰侍講廣漢張杖欽夫撰

論語集義三十四卷

陳氏曰朱熹撰集二程張氏及范祖禹呂希哲呂大臨謝良佐游酢楊時侯仲良周平先凡十二家

初各精義後刻於豫章郡學始名集義其所言外自託於程氏而竊其近似之言以文異端之說者蓋指張無垢也無垢與宗泉遊故云爾

朱子語錄曰讀論語須將精義看一段次看第二段將兩段比較孰得孰失孰是孰非又將第三段比較如前又總一章之說而盡比較之其間須有

此爲試讀，需要完整PDF請訪問：www.ertongbook.com